

Član 3.

Prihodi i rashodi utvrđeni Odlukom o privremenom finansiranju potreba Grada Sarajeva za period januar - mart 2001. godine sastavni su dio Budžeta Grada Sarajeva za 2001. godinu.

Član 4.

U tekuću rezervu budžeta izdvojit će se sredstva u iznosu od 300.000,00 KM što je 2% budžetskih sredstava za 2001. godinu.

Sredstva će se koristiti za potrebe koje se nisu mogle predvidjeti ili su se predvidjele nedovoljnim iznosom sredstava.

Član 5.

Ovaj budžet stupa na snagu danom objave u "Službenim novinama Kantona Sarajevo", a važi za fiskalnu 2001. godinu.

Broj 01-02-474/01

Predsjedavajuća Gradskog

aprila 2001. godine

vijeća prof. dr. **Mira**

Sarajevo

Jadrić-Winterhalter, s. r.

Na osnovu člana 54. stav 2. Zakona o prostornom uređenju Kantona Sarajevo ("Službene novine Kantona Sarajevo", br. 13/99 i 19/99) i čl. 15. i 24. Statuta Grada Sarajeva ("Službene novine Kantona Sarajevo", broj 12/98), Gradsko vijeće, na sjednici održanoj 26. aprila 2001. godine, donijelo je

ODLUKU

O USVAJANJU REGULACIONOG PLANA "ALIPAŠIN MOST I"

Član 1.

Usvaja se Regulacioni plan "Alipašin most I" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži sljedeće dokumente:

1. Uvod
2. Postojeće stanje
 - 2.3. Prirodni uslovi
 - 2.4. Stvoreni uslovi
 - 2.4.1. Stanje građevinskog fonda
 - 2.4.2. Podaci o korisnicima postojećih parcela
 - 2.5. Opremljenost obuhvata saobraćajnom i komunalnom infrastrukturom
 - 2.5.1. Saobraćaj
 - 2.5.2. Snabdijevanje vodom i kanalizacija
 - 2.5.3. Elektroenergetika
 - 2.5.4. Gasifikacija i toplifikacija
3. Odnos prema planu višeg reda
4. Odnos prema donesenoj planskoj dokumentaciji
5. Odnos prema "Programskim elementima prostornog uređenja područja VI transverzala-Stupska petlja"
6. Urbanistički koncept
 - 6.1. Osnovne postavke urbanističkog koncepta
 - 6.2. Planirana namjena površina
 - 6.3. Plan rušenja
 - 6.4. Rekapitulacija veličina i urbanističko-tehnički pokazatelji
7. Hortikultura

Grafički dio sadrži:
- A. Postojeće stanje:

1. Geodetska podloga	1:1000
2. Katastar podzemnih instalacija	1:1000
3. Izvod iz urbanističkog plana	1:10000
4. Programski elementi prostornog uređenja VI transverzala - Stupska petlja	1:4000
5. Postojeće stanje - Namjena, spratnost i kategorizacija arhitektonskih objekata	1:1000
6. Postojeće stanje - Posjedovno stanje	1:1000
- B. Projekcija razvoja:

7. Prostorna organizacija šireg područja	1:4000
8. Namjena površina	1:1000

- | | |
|--|--------|
| 9. Namjena, razmjesta i spratnost arhitektonskih objekata | 1:1000 |
| 10. Prijedlog rasporeda arhitektonskih masa i urbanistička kompozicija | 1:1000 |
| 11. Plan rušenja | 1:1000 |
| 12. Građevinske i regulacione linije | 1:1000 |
| 13. Prijedlog plana parcelacije | 1:1000 |
| 14. Idejno rješenje hortikulture | 1:1000 |

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Službi za urbano planiranje Grada Sarajeva, Službi dokumentacije Općine Novi grad Sarajevo i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-480/01

Predsjedavajuća Gradskog

8. maja 2001. godine

vijeća Grada Sarajeva prof. dr.

Sarajevo

Mira Jadrić-Winterhalter, s. r.

Na osnovu člana 10. Zakona o lokalnoj samoupravi ("Službene novine Kantona Sarajevo", br. 19/97 i 14/00), člana 37. stav 2. i člana 56. Zakona o prostornom uređenju ("Službene novine Kantona Sarajevo", br. 13/99 i 19/99), te čl. 15. i 20. Statuta Grada Sarajeva ("Službene novine Kantona Sarajevo", broj 12/98), Gradsko vijeće Grada Sarajeva, na sjednici održanoj dana 26. aprila 2001. godine, donijelo je

ODLUKU

O PROVOĐENJU REGULACIONOG PLANA

»ALIPAŠIN MOST I«

Član 1.

Ovom odlukom utvrđuje se provođenje Regulacionog plana "Alipašin most I" (u daljem tekstu: Plan), a naročito: granice prostorne cjeline i granice površina namjena, urbanističko-tehnički uslovi za izgradnju građevina, uslovi za izgradnju objekata i uređenje građevinskog zemljišta, uređenje zelenih i slobodnih površina, te odnosi prema postojećim objektima kao i djelatnosti i uslovi pod kojima se pojedine djelatnosti mogu obavljati u planiranom prostoru.

Član 2.

Granica obuhvata počinje sa raskršća ulica Bulevar Meše Selimovića i X transverzale i ide na jugozapad sjevernom stranom ulice Bulevar Meše Selimovića k.č. 4243 K.O. Novo Sarajevo IV koju ne obuhvata i dolazi do njenog raskršća sa XI transverzalom, produžava u pravcu sjevera idući zapadnom stranom XI transverzale (obuhvata je), nastavlja u pravcu sjevera idući zapadnom stranom trase XI transverzale koju obuhvata sijekući parcele k.č. 211, 210 i 2107 (rijeka Miljacka) K.O. Stup, 4242 (rijeka Miljacka), 4029, 4030 i 4033/1 K.O. Novo Sarajevo IV i dolazi do njenog raskršća sa trasom Sjeverne longitudinalne, produžava u pravcu istoka idući trasom Sjeverne longitudinalne koju obuhvata idući preko parcela k.č. 4030/1, 3865 i 3794 pa dolazi do njenog raskršća sa X transverzalom čijom trasom produžava u pravcu juga (obuhvata je) idući preko parcela k.č. 379/3, 3791/4, 3197, 4224 (rijeka Miljacka i 4044/4, presijeca ulicu Džemala Bijedića k.č.. 4142, te nastavlja na jugoistok idući trasom X transverzale (obuhvata je) i dolazi do raskršća odakle je opis granice i počeo.

Sve naprijed navedene parcele nalaze se u K.O. Novo Sarajevo IV, Općina Novi Grad i K.O. Stup Općina Ilidža.

Ukupna površina obuhvata iznosi cca 13,8 ha.

Član 3.

U sklopu obuhvata ovog plana definisane su zone sa sljedećim namjenama:

- A. Zona privrede i malih preduzeća
- B. Poslovne zone (1, 2 i 3)
- C. Gradski skver

A. Zona privrede i malih preduzeća obuhvata područje čija granica počinje od tačke broj 1 koja se nalazi na parceli k.č. 211 K.O. Stup udaljenoj od jugozapadnog ishodišta lista R=1:1000 broj 201 po y = 269,5 m a po x = 204,5 m, ide na sjeverozapad istočnom stranom trase XI transverzale koju ne obuhvata a koja ide preko pareela k.č. 211 K.O. Stup, 4040 i 4034 K.O. Novo Sarajevo IV i dolazi do tačke broj 2 koja se nalazi na parceli k.č. 4034 udaljenoj od jugozapadnog ishodišta lista R=1:1000 broj 201 po y = 249,5 m a po x = 271 m, lomi se idući na istok južnom stranom regulisanog korita rijeke Miljacke koju ne obuhvata a koja ide preko parcela k.č. 4034,4035, 4041, 4043, 4224, 3793 i 3791/4, te dolazi na tačku broj 3 koja se nalazi na južnoj strani regulisane trase rijeke Miljacke (ne obuhvata je) udaljenoj od sjeveroistočnog ishodišta lista R=1:1000 broj 201 po y = 36 m, a po x = 107,5 m, lomi se idući u pravcu jugoistoka zapadnom stranom novoprojektovane trase X transverzale koju ne obuhvata a koja ide preko parcela k.č. 3791/4, 4224, 4045 i 4044/2 K.O. Novo Sarajevo IV i dolazi do tačke broj 4 koja se nalazi na parceli k.č. 4044/2 udaljenoj od sjeveroistočnog ishodišta lista R=1:1000 broj 201 po y=22,5 m, a po x= 263,5 m, produžava na jugozapad idući trasom novoprojektovane saobraćajnice koju ne obuhvata a neobuhvatajući takođe ni parking prostore uz pomenutu saobraćajnicu te dolazi do tačke broj 1 odnosno mjesta odakle je opis granice Zone privrede i malih preduzeća i počeo.

Sve naprijed navedene parcele nalaze se u K.O. Stup Općina Ilidža i K.O. Novo Sarajevo IV Općine Novi Grad.

Ukupna površina obuhvata zone Privrede i malih preduzeća iznosi 4,0 ha.

B. Poslovne zone

Poslovna zona 1 obuhvata područje čija granica počinje od tačke broj 1 koja se nalazi na medi između parcela k.č. 4243 (ulica Bulevar Meše Selimović) K.O. Sarajevo IV i 213 K.O. Stup udaljenoj od jugozapadnog ishodišta lista R=1:1000 broj 201 po y= 355,5 m, a po x = 139 m, ide u pravcu jugozapada sjevernom stranom ulice Bulevar Meše Selimović k.č. 4243 koju ne obuhvata i dolazi do njenog raskršća sa XI transverzalom, lomi se idući u pravcu sjevera istočnom stranom XI transverzale koju ne obuhvata i dolazi do njenog raskršća sa putem k.č. 4143/1 koju produžava na sjeveroistok idući njegovom južnom stranom (ne obuhvata ga) i dolazi do tačke broj 2 koja se nalazi na medi između parcela k.č. 213 K.O. Stup i 4143/3 K.O. Novo Sarajevo IV udaljenoj od jugozapadnog ishodišta lista R=1:1000 broj 201 po y= 346 m, a po x= 196 m, lomi se idući na jugoistok u pravoj liniji preko parcele k.č. 213 te dolazi do tačke broj 1 odnosno mjesta odakle je opis granice Poslovne zone broj 1 i počeo.

Sve naprijed navedene parcele nalaze se u K.O. Novo Sarajevo IV i K.O. Stup.

Ukupna površina obuhvata Poslovne zone broj 1 iznosi 0,4 ha.

Poslovna zona broj 2 obuhvata područje čija granica počinje od tačke broj 1 koja se nalazi na parceli k.č. 4142 udaljenoj od jugoistočnog ishodišta lista R= 1:1000 broj 201 po y=247 m, a po x = 193 m, ide na jugozapad u pravoj liniji te dolazi do tačke broj 2 koja se nalazi na parceli k.č. 4142 udaljenoj od jugoistočnog ishodišta lista R=1:1000 broj 201 po y=359 m, a po x= 143,5 m ide na zapad u pravoj liniji te dolazi do tačke broj 3 koja se nalazi na parceli k.č. 4142 udaljenoj od jugoistočnog ishodišta lista R=1:1000 broj 201 po y=372,5 m, a po x= 145 m, lomi se idući na sjeverozapad idući u pravoj liniji preko parcela k.č. 5056/1, 5056/2, 5055 i 5054 i dolazi do tačke broj 4 koja se nalazi na parceli k.č. 4054 udaljenoj od jugozapadnog ishodišta lista R=1:1000 broj 201 po y=359 m, a po x=200 m, lomi se idući u pravcu istoka južnom stranom trase projektovane saobraćajnice koju ne obuhvata, ne obuhvatajući ni parking prostore uz pomenutu saobraćajnicu te dolazi do tačke broj 1 odnosno mjesta odakle je opis granice Poslovne zone broj 2 i počeo.

Sve naprijed navedene parcele nalaze se u K.O. Novo Sarajevo IV.

Ukupna površina obuhvata Poslovne zone broj 2 iznosi 0,5 ha.

Poslovna zona broj 3 obuhvata područje čije granice počinju sa tačke broj 1 koja se nalazi na parceli k.č. 4051 udaljenoj od jugoistočnog ishodišta lista R=1:1000 broj 201 po y=242 m, a po x=236,5 m, ide u pravcu istoka južnom stranom trase projektovane saobraćajnice koju ne obuhvata te dolazi do njenog raskršća sa X transverzalom, produžava na jugoistok idući zapadnom stranom X transverzale koju ne obuhvata i dolazi do njenog raskršća sa ulicom Bulevar Meše Selimović, lomi se idući na zapad sjevernom stranom ulice Bulevar Meše Selimović koju ne obuhvata i dolazi do tačke broj 2 koja se nalazi na sjevernoj strani ulice Bulevar Meše Selimović k.č. 42423 (ne obuhvata je) udaljenoj od jugoistočnog ishodišta lista R=1:1000 broj 201 po y=143,5 m, a po x=186,5 m nastavlja na sjeverozapad u pravoj liniji te dolazi do tačke broj 3 koja se nalazi na parceli k.č. 4142 udaljenoj od jugoistočnog ishodišta lista R=1:1000 broj 201 po y=178,5 m, a po x=223 m, skreće na jugozapad idući u pravoj liniji, te dolazi do tačke broj 4 koja se nalazi na parceli k.č. 4142 udaljenoj od jugoistočnog ishodišta lista R=1:1000 broj 201 po y=230,5 m, a po x=200 m, skreće na sjever idući u pravoj liniji te dolazi do tačke broj 1 odnosno mjesta odakle je opis Poslovne zone broj 3 i počeo.

Sve naprijed navedene parcele nalaze se u K.O. Novo Sarajevo IV.

Ukupna površina obuhvata Poslovne zone broj 3 iznosi 1,5 ha.

C. Gradski skver

Gradski skver obuhvata područje čija granica počinje od tačke broj 1 koja se nalazi na parceli k.č. 4142 udaljenoj od jugoistočnog ishodišta lista R=1:1000 broj 201 po y=359 m, a po x=143,5 m te polazi na sjeveroistok idući u pravoj liniji do tačke broj 2 koje se nalazi na parceli k.č. 4142 udaljenoj od jugoistočnog ishodišta lista R=1:1000 broj 201 po y=178,5 m, a po x=223 m, produžava na jugoistok idući u pravoj liniji te dolazi do tačke broj 3 koja se nalazi na sjevernoj strani ulice Bulevar Meše Selimović k.č. 4243 udaljenoj od jugoistočnog ishodišta lista R=1:1000 broj 201 po y=143,5 m, a po x=186,5 m, lomi se idući na zapad te dolazi do tačke broj 4 koja je udaljena od jugoistočnog ishodišta lista R=1:1000 broj 201 po y= 152,5 m, a po x = 184,5 m, nastavlja na sjeverozapad u pravoj liniji te dolazi do tačke broj 5 koja je udaljena od jugoistočnog ishodišta lista R=1:1000 broj 201 po y=167,5 m a po x=192 m, produžava na zapad te dolazi do tačke broj 5 koja je udaljena od jugoistočnog ishodišta lista R=1:1000 broj 20 po y=217 m, a po x=179 m, ide na jugozapad u pravoj liniji, te dolazi do tačke broj 7 koja se nalazi na sjevernoj strani ulice Bulevar Meše Selimović (ne obuhvata je) k.č. 4243 udaljenoj od jugoistočnog ishodišta lista R=1:1000 broj 201 po y=227,5 m, a po x=165,5 m, produžava na zapad idući sjevernom stranom ulice Bulevar Meše Selimović k.č. 4243 koju ne obuhvata te dolazi do tačke broj 1 odnosno mjesta odakle je opis granice Gradskog skvera i počeo.

Sve naprijed navedene parcele nalaze se u K.O. Novo Sarajevo IV.

Član 4.

Urbanističko-tehnički uvjeti za izgradnju objekata:

- Građevinske i regulacione linije date su u separatu Plana - Mreža građevinskih i regulacionih linija.
- Građevinska linija utvrđuje graničnu liniju objekta u odnosu na javnu površinu, saobraćajnicu, vodotok i druge objekte i ujedno označava liniju iskoličenja. unutar građevinskih linija investitor može da gradi prema

- vlastitim potrebama, poštujući zadate urbanističko-tehničke uslove.
- Objekte br. 9., 10. i 11. treba projektovati tako da se u prizemlju ispoštuju pješački prolazi i formira centralni prostor slobodan za okupljanje i smještaj fontane, skulpture, klupa i sl. Kroz spratne etaže sve tri cjeline se mogu povezati tako da čine jednu jedinstvenu arhitektonsku masu.
 - Objekat broj 13 treba projektovati tako da se u prizemlju ispoštuju pješački prolazi u vidu pasaža, a da novoplanirani objekat čini jedinstvenu arhitektonsku masu.
 - Kod objekata br. 11., 10., 12. i 13. uz pješačku saobraćajnicu liniju prizemlja treba uvući 3 m, tako da se na tim dijelovima objekata formira kolonada.
 - Spratnost objekata utvrđena ovim planom ne može se mijenjati.
 - Nivelaciona kota prizemlja je min. 15 cm iznad kote pješačke saobraćajnice.
 - Prelazi preko ulica, prilazi objektima, pasaži i druge pješačke površine moraju se projektovati i izvesti na način da ih mogu koristiti lica u invalidskim kolicima i invalidna lica otežanog kretanja.
 - Priključke na saobraćajnice i mrežu instalacija treba u svakom konkretnom slučaju posebno projektovati, a u skladu sa Planom. Obavezno je projektovanje brojila za sve vrste instalacija i njihovo ugrađivanje za potrebe svakog potrošača.
 - Koeficijent izgrađenosti utvrđen je i naznačen u tekstualnom obrazloženju Plana.
 - Poslovni objekti se ne mogu pretvarati u stambene objekte.
 - Javne površine (zelene površine, parkirališta, pločnici i sl.) ne mogu se zaposjedati drugim objektima i sadržajima.
 - U prolazima i pasažima ne mogu se postavljati privremeni niti stalni objekti čiji gabariti smanjuju projektovani profil istih.
 - Pasaži i prolazi mogu se koristiti za potrebe sadržaja koji su neposredno uz njih za potrebe otvaranja izloga i ulaza, reklama i vizuelnih komunikacija.

Član 5.

Parcele zadate u prilogu, **Prijedlog plana parcelacije**, ukoliko investitor želi da gradi čitav objekat u zadatoj građevinskoj liniji, mogu se **udruživati**, ili ako ima više investitora za jedan objekat, date parcele se mogu **preparcelisati**, na taj način da se poštuje zadata građevinska linija.

Član 6.

Individualno stanovanje u postojećim objektima može se pretvoriti u poslovni prostor.

Član 7.

Poslovni objekti se ne mogu pretvoriti u stambene objekte.

Član 8.

Ovim planom utvrđene su kategorije zelenila.

1. Linijski sistem zelenila - aleja (od stablašica markantnih morfoloških karakteristika koje odgovaraju datim stanišnim uslovima) uz primarne saobraćajnice kao i kraći potezi (manje aleje) unutar buhvata posmatranja.
2. Zelene površine uz poslovne objekte sa oblikovnim rješenjem koje će doprinijeti unapređenju ukupnih karakteristika planskog obuhvata.
3. Parkovske površine uz sportske terene i prostore za rekreaciju i igru.
4. Uz južnu granicu obuhvata Plana utvrđena je zelena površina tipa gradskog skvera sa adekvatnim elementima biološke i građevinske komponente.

Površine utvrđene kao neka od ovih kategorija ne mogu se koristiti za druge namjene, niti se mogu graditi objekti koji nisu u skladu sa funkcijom koju ta kategorija zelenila treba da ostvari.

Izgradnja i uređenje zelenih površina vršit će se u skladu sa izvedbenom dokumentacijom koja mora biti u skladu sa Planom.

Član 9.

Površine za parkiranje, odnosno garažiranje vozila utvrđene su Planom - faza saobraćaja.

Član 10.

Izgradnja objekata vrši se na osnovu urbanističkog projekta i idejnog rješenja arhitektonskih objekata sa urbanističkim rješenjem građevinske parcele na prethodno uređenom građevinskom zemljištu.

Član 11.

Izgradnja objekata privremenog karaktera može se odobriti samo za potrebe izgradnje arhitektonskih objekata, objekata komunalne infrastrukture i saobraćajnica koje su u funkciji gradilišta unutar obuhvata ovog plana.

Član 12.

Na postojeće objekte koji su predviđeni za rušenje mogu se odobriti samo radovi tekućeg održavanja.

Član 13.

U poslovnom prostoru mogu se obavljati sve djelatnosti koje ne ugrožavaju sredinu i okoliš, koje ne remete korištenje susjednih objekata i sadržaja i koje se vrše u objektima izgrađenim u skladu sa važećim propisima u odnosu na djelatnosti koje se u njima vrše.

Član 14.

Pri izdavanju dozvole za građenje arhitektonskih objekata potrebno je pribaviti geološki nalaz i uslove temeljenja od stručnih institucija, a statički proračun mora se dimenzionirati za potrebe najmanje 8° MCS.

Član 15.

Objekti za sklanjanje stanovništva i materijalnih dobara kao i drugi objekti za potrebe NO i CZ mogu se graditi na osnovu važećih propisa iz oblasti NO i CZ.

Član 16.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-479/01

8. maja 2001. godine

Sarajevo

Predsjedavajuća Gradskog

vijeća prof. dr. **Mira Jadrić -****Winterhalter**, s. r.

Gradonačelnik grada Sarajeva

Na osnovu člana 38. stav 1. tačka 1., čl. 64. i 65. Statuta grada Sarajeva ("Službene novine Kantona Sarajevo", broj 12/98) i člana 1. Odluke o upotrebi grba, imena i isticanju zastave grada Sarajeva ("Službene novine Kantona Sarajevo", broj 1/2001), gradonačelnik grada Sarajeva, donosi

UPUTSTVO

O KRITERIJUMIMA I POSTUPKU ZA ODOBRAVANJE UPOTREBE GRBA I IMENA GRADA SARAJEVA

1. Ovim uputstvom utvrđuju se kriterijumi i postupak za odobravanje upotrebe grba i imena grada Sarajeva (u daljem tekstu: Grad).

2. Izrazi sadržani u Odluci o upotrebi grba, imena i isticanju zastave grada Sarajeva ("Službene novine Kantona Sarajevo", broj 1/2001) (u daljem tekstu: Odluka) imaju sljedeće značenje:

- grb grada Sarajeva je simbol Grada, utvrđen posebnom odlukom Gradskog vijeća grada Sarajeva;
- ime grada Sarajeva je ime Sarajevo u svim padežima i svim izvedenim riječima, kao i sve skraćenice imena Sarajevo.